

2019an erregistratutako langabezia

2019an zehar LANBIDEko bulegoetan 5.989 pertsona langabe gutxiago erregistratu dira. Horrek esan nahi du murrizketa balore erlatiboetan % 2,58ekoa izan dela, eta 226.090 langabe ezberdin egon direla urtean zehar.

• S E X U A

Azken urtean langabezian dauden erregistratutako pertsona kopurua bai gizonezkoen artean bai emakumezkoen artean murriztu egin da. Lehenengo artean % 3,04 jaitsi da eta bigarrenengo artean % 2,19 (102.733 gizonezko erregistratu dira urtean zehar eta 123.357 emakumezko). Gaur egun langabeen % 54,56 emakumeak dira. Krisia hasi zenean, aldiz, langabe kopurua berdintsua zen bi sexuetan, gizonezkoen artean langabezia orain baino handiagoa zen eta. Gizonezkoen artean krisiaren eragina handiago izan zen, baina talde hau errekupeazio ahalmen handiago erakusten ari da.

• A D I N A

Azken hilabete honetan langabetu kopurua adin tarte guztietan murriztu da, 25 urte azpiko artean (1.488 langabe gehiago, % 7,31 gehiago) eta 55 urte gorako artean izan ezik (181 langabe gehiago, % 0,41 gehiago). 35-44 adin tartean murriztu a gehien (-% 7,30) eta gutxien 25-34 adin tartean (-% 2,74). Langabeen % 42,94k 44 urte baino gehiago ditu, % 32k 35 urte baino gutxiago ditu eta gainontzeko % 25,06k 35 eta 44 urteen artean kokatzen dira. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharren artean.

• J A R D U E R A E K O N O M I K O A

2019an zehar langabetu kopurua jarduera sektore guztietan murriztu da. Gehien eraikuntza sektorean murriztu da (% 10,04) eta gutxien zerbitzu sektorean (% 1,92). Aurretik enplegurik izan ez dutenen artean % 1,13 murriztu da.

Datuak zehatzago aztertuta, langabezia jaitsiera handiena izan duen eraikuntza izan da 1.686 langabetu gutxiagorekin. Jaitsiera nabarmenak izan dituzten beste jarduerak ondorengoak izan dira: merkataritza (-1.062) eta manufaktura-industria (-653). 2019an langabezia finantza-jardueretan (+106) eta hezkuntzan (+38) soilik hazi da.

• L A N G A B E Z I A R E N I R A U P E N A

Urte honetan, epe laburreko langabetu kopurua 9.321 pertsonatan murriztu da eta epe luzekoa 3.332 pertsonatan hazi. Balore erlatiboetan, ikusten da epe luzeko langabetuen kopuruen jaitsiera % 10,59koa izan dela eta epe laburreko langabeena % 2,3eoa. Ekonomiaren susperraldia, bada, aukerak eskaintzen ari da langabe kronifikatuenei.

• L A N G A B E T U E N K O K A P E N G E O G R A F I K O A

Azken urtean langabetu kopurua Bizkaian % 2,90 murriztu da (3.753 pertsona), Gipuzkoan % 2,56 (1.654 pertsona) eta Araban % 1,54 (582 pertsona).

Hiriburuak aztertuta, ikusten da Bilbon jaitsi dela gehien langabetu kopurua balore erlatiboetan, % 3,15 (1.345 pertsona). Donostian % 3,03 murriztu da langabezia (483 pertsona) eta Vitoria-Gasteizen % 1,82 (538 pertsona). Beste eskualde hauetan nabarmen egin du behera langabetu kopuruak 2019an: Ezker Eskualdean (-944), Gobela (-426) eta Tolosaldea (-274). Aldiz, Lea-Artibain (+69) eta Arabako Ibarretan (+11) langabetu kopuruak gora egin du.

2019an erregistratutako langabezia

• LANGABEZIA - PRESTAZIOA

2019an 77.836 langabek kobratu dute langabezia-prestazioaren bat, hau da, aurreko urtean baino 6.636 langabe gehiagok. Langabeen % 34,42k du gizarte-prestazio hori jasotzeko eskubi-dea. 54.425 langabek jasotzen dute ordaindutakoaren arabeko prestazioa, hau da, langabeen % 24,07 dira horiek. 23.411 langabek (% 10,35), berriz, langabeziagatiko prestazioa jasotzen dute.

Aurreko urtearekin alderatuz, langabeziagatiko estaldura-tasak 3,74 puntu hazi da.

• IKASKETA MAILA

Langabeen % 56,31k (127.322 lagun), oinarrizko ikasketak ditu, gehienez ere. Azken urtean, oinarrizko prestakuntza dutenen artean 4.253 langabetu gutxiago erregistratu dira. Talde horretan % 3,23 jaitsi da langabezia azken urtean, gehien murriztu den taldea izanik.

Batxilergo-titulua duten pertsonak langabeen % 9,39 dira. Talde horretan % 0,16 murriztu da langabezia azken urtean.

Lanbide-heziketa ikasi eta langabezia dauden lagunak 43.464 dira, hau da, langabeen % 19,22. Talde hau 2019an zehar % 1,44 murriztu da.

Azkenik, langabeen % 15,06k (34.059 lagun), egin ditu unibertsitateko ikasketak. Ikasketa maila hau dutenen artean % 3,03 murriztu da langabetu kopurua.

• JATORRIA

Langabeen % 15,96 (36.080 lagun), atzerritarak dira. 2018arekin alderatuta, ikusten da atzerritar langabetu kopurua murriztu dela, % 0,72, eta bertakoak, aldiz, % 2,93.

Langabe atzerritarren % 29,15a Afrika iparraldekoak dira, % 28,53a Latinoamerikatik datoz, % 19,20a Europako Esparru Ekonomikotik, % 13,53a Saharaz hegoaldeko Afrikatik, eta % 5,97a, azkenik, Asiatik.

2019an erregistratutako langabezia

Lan-eskatzaile langabeak 2019an

	2019	2018	Saldoa	Bil %
SEXUA:				
GIZONEZKOAK	102.733	105.954	-3.221	-3,04%
EMAKUMEZKOAK	123.357	126.125	-2.768	-2,19%
25 URTEZ AZPIKOAK:				
GUZTIRA	21.834	20.346	+1.488	+7,31%
GIZONEZKOAK	11.638	10.705	+933	+8,72%
EMAKUMEZKOAK	10.196	9.641	+555	+5,76%
25-44 URTE:				
GUZTIRA	107.168	113.056	-5.888	-5,21%
GIZONEZKOAK	47.734	50.616	-2.882	-5,69%
EMAKUMEZKOAK	59.434	62.440	-3.006	-4,81%
45 URTEZ GORAKOAK:				
GUZTIRA	97.088	98.677	-1.589	-1,61%
GIZONEZKOAK	43.361	44.633	-1.272	-2,85%
EMAKUMEZKOAK	53.727	54.044	-317	-0,59%
SEKTOREA:				
NEKAZARITZA ETA ARRANTZA	4.470	4.733	-263	-5,56%
INDUSTRIA	15.109	16.795	-1686	-10,04%
ERAIKUNTZA	26.723	27.441	-718	-2,62%
ZERBITZUAK	155.098	158.138	-3040	-1,92%
AURREKO ENPLEGURIK GABE	24.690	24.972	-282	-1,13%
LURRALDE HISTORIKOA:				
ARABA	37.271	37.853	-582	-1,54%
BIZKAIA	62.989	129.583	-1654	-2,56%
GIPUZKOA	125.830	64.643	-3753	-2,90%
EAE	226.090	232.079	-5989	-2,58%